

Na osnovu člana 16. stav 4 Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 88. sjednici, održanoj dana 04.07.2025. godine, d o n o s i :

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, broj: 10-02-10233-2-1/25 od 17.06.2025. godine, dato po Inicijativi za autentičnim tumačenjem člana 49. stav (4) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25), podnesenoj od strane Univerziteta u Zenici.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/25
Datum, 04.07.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x JU Univerzitet u Zenici, putem Ministarstva,
1x Stručna služba Skupštine,
1x a/a.



Broj: 10-02-10233-2-1/25
Zenica, 17.06.2025. godine

STRUČNA SLUŽBA VLADE

Na osnovu Inicijative za davanje autentičnog tumačenja člana 49. stav (4) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25), podnesene od strane Univerziteta u Zenici, a u vezi sa članom 156. stav 2 i članom 157. stav 1 - Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24), dostavljamo Vam sljedeće:

MIŠLJENJE

Univerzitet u Zenici podnio je Inicijativu za davanje autentičnog tumačenja člana 49. stav (4) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25), u kojoj je navedeno da do stupanja na snagu Zakona o izmjenama i dopunama Zakona o visokom obrazovanju („Službene novine Zeničko-dobojskog kantona“, broj: 5/25), u skladu sa stavom (4) člana 49. Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25) kojim je bilo propisano da osoba angažovana na javnoj visokoškolskoj ustanovi može obavljati najviše dvije rukovodne funkcije licima izabranim na dvije rukovodne funkcije izdate su odgovarajuće odluke o izboru donesene od strane tijela Univerziteta u Zenici nadležnih za donošenje takvih odluka, kao i rješenja za obračun plaće za obavljanje istih, a koja su (odluke i rješenja) još uvijek na snazi jer nije istekao izborni mandat po istim, pa su ista u pravnom smislu još uvijek kako konačna tako i pravosnažna. Dalje se u predmetnoj inicijativi navodi da je od strane Ministarstva za obrazovanje nauku, kulturu i sport Zeničko-dobojskog kantona dostavljen akt pod nazivom: Zakon o izmjenama i dopunama Zakona o visokom obrazovanju, broj: 10-34-318-23/25 od 15.04.2025. godine, u kojoj se navodi da je Univerzitet u Zenici obavezan uskladiti svoju organizaciju, rad i opće akte i ugovore o radu sa Zakonom o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25). Obzirom da u odredbama Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25) nije mijenjan ni dopunjavan član 157. Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25) sadržan u prelaznim i završnim odredbama istog, a kojim je u stavu (1) propisano da lica izabrana na rukovodeće funkcije, po uslovima koji su važili prije stupanja na snagu ovog zakona, zadržavaju svoj status do isteka mandata, to se upućuje Inicijativa za davanje autentičnog tumačenja člana 49. stav (4) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25) u pogledu pitanja u kojem roku i na koji način primijeniti pomenutu odredbu navedenog Zakona vezano za usklađivanje organizacije, rada i općih akata i ugovora o radu Univerziteta sa istom.

Nakon što je razmotrilo predmetnu inicijativu ovaj organ kantonalne uprave je mišljenja da ista nije osnovana iz sljedećih razloga:

Članom 154. Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24) stav 1 propisano je da je: „*Autentično tumačenje opći akt kojim se utvrđuje istinitost, vjerodostojnost, izvornost i pravilan smisao nedovoljno jasne odredbe zakona*“.

Članom 49. stav (4) Zakona o visokom obrazovanju („Službene novine Zeničko-dobojskog kantona“, broj: 12/22, 15/24 - Autentično tumačenje i 5/25) je propisano: „(4) *Osoba angažovana na javnoj visokoškolskoj ustanovi može obavljati najviše jednu rukovodnu funkciju, osim ako nije drugačije propisano osnivačkim aktom.*“

Članom 2. tačka m) Zakona o visokom obrazovanju je propisano da su „m) *rukovodne funkcije na visokoškolskoj ustanovi: rektor, prorektor, predsjedavajući i zamjenik predsjedavajućeg senata, dekan, prodekan, predsjedavajući i zamjenik predsjedavajućeg naučno-nastavnog vijeća, predsjedavajući i zamjenik predsjedavajućeg vijeća doktorskog studija, šef centra, voditelj laboratorije, šef katedre, direktor studentskog centra, direktor instituta i direktor visoke škole*“.

Također članom 14. Zakona o izmjenama i dopunama Zakona o visokom obrazovanju („Službene novine Zeničko-dobojskog kantona“, broj: 5/25) propisano je da: „*Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona*“.

Imajući u vidu naprijed navedeno, ovaj organ kantonalne uprave smatra, da je odredba za koju se traži autentično tumačenje dovoljno precizna i jasna, odnosno precizno i jasno je navedeno da osoba angažovana na javnoj visokoškolskoj ustanovi može obavljati najviše jednu rukovodnu funkciju, osim ako nije drugačije propisano osnivačkim aktom, te da nema potrebe dodatno utvrđivati pravilan smisao ove odredbe, budući da je svrha davanja autentičnog tumačenja utvrđivanje istinitosti, vjerodostojnosti, izvornosti i pravilnog smisla nedovoljno jasne odredbe zakona, a ovdje to nije slučaj. Također treba imati u vidu da su u članu 2. tačka m) Zakona o visokom obrazovanju taksativno nabrojane rukovodne funkcije na koje se predmetna odredba odnosi, tako da ni u tome pogledu nema mjesta nejasnoćama.

Iz naprijed navedenih razloga mišljenje ovog organa kantonalne uprave je da predmetna inicijativa za autentično tumačenje kao takva ne ispunjava uslove za davanje autentičnog tumačenja u skladu sa odredbama Poslovnika Skupštine Zeničko-dobojskog kantona – Četvrti prečišćeni tekst („Službene novine Zeničko-dobojskog kantona“, broj: 5/24).

DOSTAVLJENO:

1x Naslovu,
1x a/a, (04).

MINISTAR

Mirza Mušija



Bosna i Hercegovina, Zenica, Kučukovići br. 2

Tel: 032/460-840, fax: 460-842

e-mail min.obrazovanje@zdk.ba